

ახმეტის მუნიციპალიტეტის საკრებულოს

ბიუროს სხდომა

ოქმი №4

ქ. ახმეტა

08 თებერვალი, 2018 წელი

თავმჯდომარეობდა:

თამარ ყეინიშვილი-ახმეტის მუნიციპალიტეტის  
საკრებულოს თავმჯდომარე

ბიუროს სხდომას ესწრებოდა:

რ.ბაღაკაშვილი, ა.ბუღრიძე, ლ.ითიურიძე  
ა.მექვევრიშვილი, შ.ტერტერაშვილი  
ა.შათარიშვილი, დ.იმერლიშვილი  
თ.ბოდაველი, ნ.ალავიძე

სხდომა გაიხსნა 11<sup>თ</sup> სათზე.

სხდომის თავმჯდომარე თ.ყეინიშვილმა გახსნა სხდომა და ბიუროს წევრებს გააცნო დღის წესრიგი.

დღის წესრიგი:

- „ახმეტის მუნიციპალიტეტის 2018 წლის ბიუჯეტის დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის N29 დადგენილებაში ცვლილების შეტანის თაობაზე“

/მომხსენებელი - ვანო ნასყიდაშვილი/

- „ახმეტის მუნიციპალიტეტის მერიის საშტატო ნუსხის და თანამდებობრივი სარგოების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის N31 დადგენილებაში ცვლილების შეტანის შესახებ;

/მომხსენებელი - დავით აბულაძე/

ბიუროს სხდომის თავმჯდომარემ კენჭი უყარა დღის წესრიგის მიღებას, რასაც ერთხმად დაუჭირეს მხარი.

მოისმინდეს: „ახმეტის მუნიციპალიტეტის 2018 წლის ბიუჯეტის დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის N29 დადგენილებაში ცვლილების შეტანის თაობაზე“

მომხსენებელმა ბიუროს წევრებს გააცნო ინფორმაცია ახმეტის მუნიციპალიტეტის 2018 წლის ბიუჯეტში განსახორციელებელი ცვლილებების შესახებ (განმარტებითი ბარათი თან ერთვის ოქმს).

შ.ტერტერაშვილმა განმარტება ითხოვა გასული წლის ვალდებულებებთან დაკავშირებით. დაინტერესდა, რით იყო გამოწვეული ტრანსპორტით მომსახურების ხარჯის გაზრდა.

მომხსენებელმა უპასუხა, რომ: ხელშეკრულების თანახმად, შესრულებულ სამუშაოზე არ ვიხდით თანხის 2,5%-ს. საგარანტიო ვადის გასვლის შემდეგ, შესაბამისი დასკვნის საფუძველზე, ვანაზღაურებთ დარჩენილ თანხას. არის აგრეთვე; გრძელვადიანი სამუშაოები, რომლებიც ვერ დასრულდა გასულ წელს და ახლაც გრძელდება. ამ გარემოებების გამო, აღებული ვალდებულებები მომდევნო წელს გადადის. რაც შეეხება ტრანსპორტის ხარჯებს (სოფლები: შახვეტილა და კასრისწყალი), - გაიზარდა საწვავის ფასის მატებასთან ერთად.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

9 - მომხრე;

1 - კენჭისყრაში მონაწილეობა  
არ მიიღო;

მოისმინდეს: „ახმეტის მუნიციპალიტეტის მერიის საშტატო ნუსხის და თანამდებობრივი სარგოების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის N31 დადგენილებაში ცვლილების შეტანის შესახებ;

მომხსენებელმა ბიუროს წევრებს წარუდგინა პროექტის არა, თავდაპირველი სახე, არამედ ახალი, ჩასწორებული პროექტი. კერძოდ, 2 შტატზე, რომელზეც ითხოვდნენ სახელფასო სარგოს გაზრდას (900 ლარი), დარჩა პირველი კატეგორიის უფროსი სპეციალისტის თანამდებობაზე განსაზღვრული ხელფასი (700 ლარი) და დაემატა შტატი ადმინისტრაციული

სამსახურის საზოგადოებასთან ურთიერთობის და ადამიანური რესურსების მართვის განყოფილებაში და ითხოვა დღის წესრიგში საკითხის ჩანაცვლება.

პროექტის ახალი სახით შემოტანამ ბიუროს წევრებში აზრთა სხვადასხვაობა გამოიწვია.

შ.ტერტერაშვილი: მერიამ შემოიტანა პროექტები და გვთხოვა რიგგარეშე სხდომის დანიშვნა. კომისიებმა იმუშავა საკითხებზე და დასკვნა დადო. ბიურო უფლებამოსილია კომისიის მიერ მიღებული გადაწყვეტილება განიხილოს, იმსჯელოს და მისცეს რეკომენდაცია. არ შეიძლება ყოველ კვირას სხვადასხვა სახით პროექტის შემოტანა. სამართლებრივად თქვენი მოთხოვნა გაუმართლებელია. რადგან საკითხის პირვანდელი სახე აღარ განიხილება, შემოიტანეთ ახალი, ჩასწორებული ვარიანტი.

ა.მექვევრიშვილი: არის შემთხვევა, როდესაც სასწრაფო წესით ვიღებთ რომელიმე გადაუდებელ საკითხს. მიმაჩნია, რომ ახალი პროექტი განიხილოს შესაბამისმა კომისიამ და შემდეგ მივიღოთ.

შ.ტერტერაშვილი: მუშაობის პროცესში შეიძლება აღმოჩინო, რომ კადრი გჭირდება. ჯერ ახალი ციკლით მუშაობა არ დაგიწყიათ. რამ გამოიწვია კადრის დამატების საჭიროება?

მომხსენებელმა განმარტა: მიწის საკითხებთან დაკავშირებით შემოდის უამრავი განცხადება, აქვე მუშაობს აღიარების კომისია, დატვირთვა მეტი აქვთ და კადრი სჭირდებათ.

ა.შათაირიშვილი: მე არ ვეთანხმებოდი მერიის მიერ პირვანდელი სახით წარმოდგენილ პროექტს, მაგრამ რადგან ჩასწორებული სახით წარმოგვიდგინეს, ვერ ვხედავ უარის თქმის მიზეზს. ვიცი, რომ მიწის საკითხებთან დაკავშირებით ბევრი საქმეა, ამიტომ მხარს ვუჭირ წარმოდგენილ ვარიანტს. მის აზრს დაეთანხმა დავით იმერლიშვილი.

შ.ტერტერაშვილი: თქვენ ახლა წაგვიყვანეთ სულ სხვა მიმართულებით. მე ვერ ვხედავ ასეთი სასწრაფო წესით, რიგგარეშე სხდომაზე საკითხის გატანის და შტატის დამატების საჭიროებას. შეგიძლიათ პიროვნება ხელშეკრულებით აიყვანოთ ერთი თვის ვადით, შემდეგ გამოაცხადოთ კონკურსი და კანონის შესაბამისად მიიღოთ თანამშრომელი.

თ.ყეინიშვილი: ვფიქრობ, უმჯობესია ახალი პროექტი დაუბრუნოთ უკან. მერია ჩამოყალიბდეს აღნიშნულ საკითხთან დაკავშირებით და შემდეგ წარმოგვიდგინოს. გაიაროს შესაბამისმა კომისიამ, ვიმსჯელოთ და მივიღოთ.

სხდომის თავმჯდომარემ კენჭი უყარა საკითხის გადადებას

7- მომხრე;

3 - წინააღმდეგი.

სხვა წინადადებები და შენიშვნები არ ყოფილა.

ბიუროს სხდომა დაიხურა 12<sup>10</sup> საათზე.



*O. Y.*

თ. ყეინიშვილი